

SAMÞYKKT

um afgreiðslutíma verzlana í Hafnarfirði.

1. gr.

Sölubúðum í Hafnarfirði skal lokað hvern dag eigi síðar en segir í samþykkt þessari.

2. gr.

Alla virka daga ársins skal sölubúðum lokað eigi síðar en kl. 18 og þær ekki opnaðar aftur fyrr en kl. 7.30 árdegis næsta virkan dag. Þó skulu frá þessu þær undantekningar, er nú skal greina, sbr. 3. gr. Aðfangadag jóla og gamlársdag skal sölubúðum lokað eigi síðar en kl. 12. Síðasta virkan dag fyrir aðfangadag jóla er heimilt að halda sölubúðum opnum til kl. 24. Síðasta laugardag fyrir jól (annan en Þorláksmessudag, ef hann ber upp á laugardag) eða annan virkan dag skömmu fyrir jól, er heimilt að halda sölubúðum opnum til kl. 22.

Á tímabilinu frá 1. okt. til 30. apríl skal loka eigi síðar en kl. 13 á laugardögum, og á tímabilinu frá og með 1. maí til 30. sept. skal loka eigi síðar en kl. 12 á laugardögum. Allt árið er heimilt að hafa sölubúðir opnar til kl. 19 á föstudögum. Þá er heimilt að hafa opið fyrsta laugardag í desember til kl. 16 og annan laugardag í desember til kl. 18.

Enn fremur getur bæjarstjórn, eftir að leitað hefur verið álits Kaupmannafélags Hafnarfjarðar, Kaupfélags Hafnfirðinga og Verzlunarmannafélags Hafnarfjarðar, með sérstakri samþykkt heimilað tilteknum fjölda verzlana að hafa opið til kl. 22, einstaka eða alla virka daga allt árið eða hluta úr ári.

3. gr.

Almenna helgidaga Þjóðkirkjunnar, sumardaginn fyrsta, 1. maí, 17. júní og fyrsta mánudag í ágúst, mega engar sölubúðir vera opnar, sbr. þó 4., 5., 6. og 7. gr.

4. gr.

Brauð- og mjólkursölubúðir má halda opnum á almennum helgidögum, sumardaginn fyrsta, 1. maí, 17. júní og fyrsta mánudag í ágúst frá kl. 10 f. h. til kl. 2 e. h. eingöngu til sölu á brauðvöru, mjólk og mjólkurvörum.

5. gr.

Ákvæði samþykktar þessarar ná ekki til sölu lyfja né sjúkraáhalda lyfjaverzlunar í bænum.

6. gr.

Bæjarstjórn getur leyft, að vikið sé frá framangreindum ákvæðum um lokunartíma sölubúða, þegar um er að ræða:

- a. Bifreiðastöðvar, biðskýli og verzlarnir, sem hafa sérstakt leyfi bæjarstjórnar og heilbrigðisnefndar til að verzla með takmarkaðan fjölda vörutegunda, nánar tiltekið: Blöð, tóbaksvörur, öl, gosdrykki, ís, brauðvörur, mjólk, nýja ávexti, heitar pylsur, handsápur, tannkrem, raksápur, rakblöð, kort, frímerki, tímarit, ritföng, rafmagnsöryggi, rafmagnsperur, rafhlöður, eldspýtur.
- b. Veitingastaðir, sem samkvæmt sérstöku leyfi bæjarstjórnar og heilbrigðisnefndar, selja heitar máltíðir og kaffi, enda sé sú starfsemi meginhluti rekstrarins, að dómi heilbrigðisnefndar. Veitingastaðir, sem um ræðir í b-lið, skulu undanþegnir gjaldi því, sem um ræðir í þessari grein.

Í verzlunarstöðum, sem um getur í a-lið þessarar greinar má sala fara fram á virkum dögum og helgum dögum kl. 7.30 til 22 og enn fremur kl. 22 til 23.30, en þá aðeins um söluop á útihlið húss. Í veitingastöðum, sem um getur í b-lið þessarar greinar má sala fara fram á virkum og helgum dögum kl. 7.30 til 23.30. Loka skal föstudaginn langa, páskadag, hvítasunnudag, 17. júní, jóladag, aðfangadag jóla og gamlársgagn, samkvæmt því sem segir í 3. gr.

Bæjarstjórn getur heimilað rýmri sölutíma en segir í grein þessari, þegar um er að ræða fyrirtæki, sem annast almenna næturþjónustu.

Bæjarstjórn veitir heimild til verzlunarreksturs samkvæmt þessum greinum og eru leyfin bundin við nafn handhafa auk götu- og húsnúmers, sömuleiðis hefur bæjarráð heimild til að afturkalla leyfin, hvenær sem er, ef leyfisskilyrðum eða reglum varðandi reksturinn er ekki fylgt. Fyrir leyfi til verzlunarrekstrar, samkvæmt þessari grein, skal leyfishafi greiða árlegt gjald til bæjarsjóðs, er greiðist ársfjórðungslega fyrirfram. Bæjarstjórn ákveður gjald þetta til eins árs í senn. Gjald þetta má innheimta með lögtaki. Bæjarstjórn er heimilt að setja nánari reglur um einstök leyfi til verzlunarrekstrar samkvæmt þessari grein.

Óheimilt er að viðhafa tóbaksreykingar á sölustöðum, sem nefndir eru í grein þessari eftir almennan lokunartíma sölubúða.

7. gr.

Eftir lokunartíma sölubúða er óheimilt að selja á strætum og torgum eða annars staðar utan verzlana nokkurn þann varning, sem verzlunarleyfi þarf til að selja.

Heimilt er þó að selja eftir lokunartíma kol, salt, oliur, veiðarfæri og vistir til skipa, sömuleiðis er heimilt að veita viðtöku vörum aðkomumanna í geymsluhús verzlana.

8. gr.

Heimilt er að afgreiða eftir lokunartíma sölubúða þá, sem komnir eru inn í verzlunina fyrir lokunartíma.

9. gr.

Heimilt er lögreglustjóra að veita undanþágu frá samþykkt þessari fyrir einstaka daga, ef sala verzlunarinnar fer fram til ágóða fyrir góðgerðarstofnanir og fyrirtæki að dómi lögreglustjóra.

10. gr.

Brot gegn samþykkt þessari varðar sektum 100.00—5 000.00 krónum, og renna sektirnar í bæjarsjóð. Mál út af brotum gegn samþykkt þessari skal reka að hætti opinberra mála.

Samþykkt þessi, sem bæjarstjórn Hafnarfjarðar hefur samþykkt samkvæmt lögum nr. 17 frá 1. febrúar 1936, um samþykktir um lokunartíma sölubúða, öðlast þegar gildi, með þeim takmörkunum þó, sem lög nr. 45 frá 15. júní 1926 um almannafrið á helgidögum þjóðkirkjunnar setja.

Jafnframt fellur úr gildi samþykkt nr. 20 frá 16. marz 1962 um afgreiðslutíma verzlana í Hafnarfirði.

Félagsmálaráðuneytið, 16. febrúar 1968.

F. h. r.

Hjálmar Vilhjálmsson.

Gunnlaugur Þórðarson.